


# Ná lig dóibh éalú!



 Leagan  
Connachtach

‘Tá mé féin agus Daidí ag gabháil  
ag siopadóireacht,’ arsa Mamaí le  
Gearóid tráthnóna amháin.  
‘An dtiocfaidh tú in éineacht linn?’

 AN GÚM

Gobnait Uí Chonchubhair  
Peter Donnelly a mhaisigh

An chéad eagrán 2006

© An Roinn Oideachais agus Eolaíochta / Foras na Gaeilge, 2006

Gach ceart ar cosaint. Ní ceadmhach aon chuid den fhoilseachán seo a aistriú, a chur i gcomhad athfáil, ná a tharchur ar aon mhodh ná síl, bíodh sin leictreonach, meicniúil, bunaithe ar fhóichóipeáil, ar thailleadadh nó eile, gan cead a fháil roimh ré ón bhfoilsitheoir.

Baineann an saothar seo le scéim Dhearthóirí Áiseanna Teagaisc na Roinne Oideachais agus Eolaíochta atá ann chun áiseanna Gaeilge a sholáthar do na bunscóileanna Gaeltachta agus do na bunscóileanna lán-Chaeilge.

Dearthóirí Áiseanna Teagaisc na Gaeilge a scríobh

Dearadh agus leagan amach: Designit

Obair ealaíne: Peter Donnelly

Printset and Design Teo a chlóbhuail in Éirinn



An Gúm, 24–27 Sráid Fhreidric Thuaidh, Baile Átha Cliath 1

## Clár

Caibidil 1	4
Caibidil 2	8
Caibidil 3	14
Caibidil 4	22
Caibidil 5	36

## Caibidil 1

‘Tá mé féin agus Daidí ag gabháil ag siopadóireacht,’ arsa Mamáí le Gearóid tráthnóna amháin. ‘An dtiocfaidh tú in éineacht linn?’ ‘Tiocfaidh,’ arsa Gearóid. ‘Caithfídh mé airgead a tharraingt as mo chuntas in Oifig an Phoist.’ Bhreathnaigh Daidí ar an gclog. ‘Gabh i leith uait, mar sin,’ ar seisean. ‘Dúnann Oifig an Phoist ag a cúig.’





'Is dóigh go mbeidh tusa  
scaitheamh in Oifig an Phoist,'  
arsa Mamáí le Gearóid.  
'Feicfidh muid sa gcaife thú.'

Bhí dúil ag Mamáí i gcupán caife.



# Caibidil 2



Bhí an-lear daoine in Oifig an Phoist nuair a chuaigh Gearóid isteach.

8

Ní raibh sé i bhfad istigh nó gur  
oscail an doras. Isteach le beirt  
fhear a raibh púicíní orthu.  
Bhí gunna ag fear acu.



‘Síos libh ar an urlár,’ arsa fear an ghuinna. ‘Agus ná bíodh cor asaibh!’

THE UNIVERSITY OF CHICAGO

Suas leis an bhfear eile chuig  
an gcuntar.



‘Tabhair dom an t-airgead ar fad  
atá sa taisceadán,’ ar seisean de  
bhéic leis an máistir poist, ‘nó is  
duitse is measa!’

Bhí a chroí ina bhéal ag an máistir  
poist. An fear bocht!



Thóg sé an t-airgead amach as an  
taisceadán agus shín sé chuig an  
ngadaí é.

Ansín amach an doras leis féin agus  
lena chomrádaí de rite reaithe.



Rug an gadaí ar an airgead agus  
shac sé isteach ina mhála é.


### Caibidil 3


‘Céard a chuir moill ort?’ a d’fhiafraigh Mamaí de Ghearóid. ‘Cheap muid gur ag robáil Oifig an Phoist a bhí tú!’ arsa Daidí. ‘Ach tá dath an bháis ort,’ arsa Mamaí. ‘Suigh síos ansin agus bíodh cupán tae agat.’





‘Chuille sheans gur gunna bréige  
a bhí acu,’ arsa Daidí.  
‘Ní cheapfainn é,’ arsa Gearóid.  
‘Go sábhála Dia sinn!’ arsa Mamá.  
‘D’fhéadfaidís daoine a bheith  
maraithe acu!’






Agus é ar a bhealach amach as an  
gcaife chonaic Gearóid fear ag brú  
an tseanchair a bhí feicthe níos  
túisce aige.

‘Tá mé siúráilte go bhfuil an bheirt  
sin feicthe agam in áit éicint  
cheana,’ arsa Gearóid leis féin.

‘A Dhaidí! A Mhamáí! Tá mé ag ceapadh gurb in iad na gadaithe,’ arsa Gearóid agus é ag teannadh leis an seancharr. ‘Bhí púicíní orthu ach aithním iad, mar sin féin.’ ‘Más in iad iad,’ arsa Mamáí, ‘b’fhéarr dúinn a ghabháil ag caint leis na Gardaí.’



## Caibidil 4



D'inis Gearóid a scéal do na Gardaí.  
'Sin iad na gadaithe,' arsa Gearóid  
leo agus é ag síneadh a mhéire  
chuig an seancharr.





Direach ansin lig Mamáí béic aisti.



‘Tá na gadaithé ag éalú,’ ar sise.

‘Breathnaigh! Tá siad ag éalú!’


Bhí na gadaithé ag éalú ceart go leor. Rith na Gardaí go dtí a gcar féin.




‘Ná lig dóibh éalú,’ arsa Gearóid.

‘Ná lig dóibh éalú!’

Ach bhí sé ródheireanach!



Faoin am seo bhí na gadaith ag  
imeacht síos an bóthar de rite reaite.



‘Tá siad ag éalú,’ arsa Gearóid  
go dobrónach.



‘Ach aire duit!’ arsa Daidí.  
‘Céard sa diabhal atá ag tarlú?’



Bhí leoraí mór tar éis stopadh i lár  
an bhóthair. Ní raibh na gadaithé  
in ann a ghabháil thar an leoraí.





D'éirigh na gadaithe amach as an  
gcar de léim.




Síos an buaile leo de rite reaithe agus  
na Gardaí ina ndiaidh.



Ní raibh sé i bhfad nó go raibh  
an bheirt ghadaithe tógtha  
ag na Gardai.

## Caibidil 5



Cúpla lá ina dhiaidh sin bhí Gearóid  
in Oifig an Phoist arís.



‘A Ghearóid,’ arsa an máistir poist  
nuair a chonaic sé é ag teacht  
isteach. ‘Bhí mé ag faire amach  
duit. Tá brontanas anseo agam  
duit.’

Agus shín sé bosca mór chuig  
Gearóid.

‘Céard atá ann?’ a d’fhiafraigh  
Gearóid de.

‘Feicfidh tú nuair a osclóidh tú é!’  
arsa an máistir poist. ‘Ach tá mé  
siúrailte go dtaitneoidh sé thar  
cionn leat.’





